

Biogr. er. D

1553,32_d

PROPEMPTICA
PHILICA

EXCELLENTI ET DOCTISSIMO
JUVENI

DN. IO. ERNESTO
BVRGGRAVIO, PALA-
TINO, MEDICINARUM CAN-
didato consecrata,

IN INCLYTA CATTORVM ACADEMIA
Mauritiana Marpurgi Cal. Iulii.
1607.



MARPURGI CATTORVM
Ex officina Rodolphi Huttivelkeri,
cl lo clo.

er. D.

3,32d

bbb.

12695



ἠερωματικόν

In perigrinationem Anglicobelgicam.

DN. IOH. ERNESTI BVRG
GRAVII, SECRETIORIS MEDICINAE
peritissimi, amici, & fratris sui probatissimi,
dictum, & dicatum.

à

*M. Henrico Petro Schmalcald. Catto, ejusdem
facultatis alumno.*



C quò fata trahis, tuæ
Fortunæ faber ô fervide? quò ruis
Audax per vetitum nefas? (cus,
Burggravi ô Medicum delitium, & de-
Cordis dimidium ô mei.

*Cur nunc terga moræ vertis? abis? fugis?
Sperabam affore mox diem,
Lætus læta canam quo tibi carmina
Doctori eximio ac Viro
Felici, heî mihi spem decipis invidus.
Orbis te abdis in angulos,
Anglos (angelicis moribus) ad feros.
Nec tanti favor ORDINIS,
Nec te tantus amor tot juvenum juvat,
Nec te tantus honor trahit,
Nec blandum patriæ te tenet osculum.
Non ætas movet, aut locus,
Nec quæ spondet iter mille pericula.*

Quæ

69,17

444

Aus der
Schloßbibliothek zu Oels
1885

Handwritten text on a piece of paper, possibly a library label or receipt. The text is faint and mirrored, appearing to be bleed-through from the reverse side of the page. It includes a date, "1887", and a name, "H. Schönbach".

*Qua spondet mare, qua solum,
Qua q̄, hostes potius dixeris, hospites.
Mutas consilium, at cave
permutare bonam sortem, age, respice:
Sorti credere decipi est.
Tu siccis oculis aspicias fretum
Pulsans Acroceraunia,
Eurisq̄, oppositos imbriferos Notos?
Scyllaam & rabiem, ac vagos
Delphinas fugias? dulce salum in solo.
O quas discimus hic preces!
O stuppâ tenui pendula, quid neci
Distas vita, nisi assere!
Asse haud te redimam ô vita miserrima!
Tu mortis medium, ipsa mors.
Pulcrum est alterius stulticiâ frui.
Tranandum mare piscibus,
Nobis terra data est: qua Deus abscidit,
Ponto dissociabili,
Prudens nemo pius transsiliat loca.
Non vestigia terreant.
Lata Europa patet, maxima continens,
Divisas petis insulas.
Doctrinis inhias? suggerit has Quies.
An morum probitas placet?
Morum pol peregré copia vix datur.
At quæris Medicos foris?
Quos quærun alij nempe vides domi.
Non uni tamen omnia
Terra inclusa ferunt ingenia optima:
Sed cuiq̄, est data gemmula,
Præstantes gremio nunc fovet Anglia:*

Has lustra, ambi, & ama, ac eme,
 Quæ fractâ rate tecum facile enatent.
 Non tu delitias, opes
 Non cura fragiles, disce, doce, iuva
 Ægros, nec Deus abnuet.
 Fit motu sapiens mens medici, & manus.
 Ægyptum en Paracelsi habes,
 Fit motu sapiens mens Medici, et manus.
 Ægyptum en Paracelsi habes,
 Colchosq; auriferum & vellus Iasonis.
 Sic prisca sophiæ patres,
 Terriquasso ei adest, pompilus hanc vehit,
 Crudam Barbariam ingredi
 Ausi artis cupidi, veri avidi Boni.
 Sic doctâ Experimentiâ
 Crescas: ætherei fausta regant Patris,
 Nati lucida sidera,
 Flatus vela sacri, fluctibus incubent.
 Experta arte gravem Hassicis
 Reddant incolumem finibus huc precor.
 Hæc sic vota cadunt, velit
 Vt sic fata cadant cunctipotens Herus:
 Vt clarus redeas brevi,
 Motumq; excipiat perpetua hunc QUIES,
 Exoptataq; præmia,
 Quæ sors non quatiat, mors neq; diruat.
 Voto hoc prosequor, ô sequi
 Voti si liceat participem! at! VALE.

PROPEMPTICON

Dn. IANO-ARIVISTO BURGGRAVIO ME-
 dicinarum Candidato excellentissimo, amico dulcissimo,
 Marchioburgo in Angliam proficiscenti, Φιλαδελ-
 φίας χάριν sinceriter cecinit. M. Lu-

M. Ludovicus Crocius Cygnæus

O DE A quæ nimijs successibus invida, vitæ
Eripis & totum dimidiumq; meæ!
Te purgas? gravius, si te purgaveris, urget
Crimen, & à nostro limine pulsa cadis.
Nam quos nec poterat diducere livor amantes,
Nec poterant linguæ fascina dira malæ:
Aspera diducis dea! ter quater aspera charos
Dissocias socios, dissocianda bonis!
Ire Caledonias jussisti dura per oras
Burggravium, ut videat quas habet Arctos opes.
Ire pererratis Belgarum finibus unum
Dira jubes: Crocium dira manere jubes:
Qui discedentis tabescit amore sodalis,
Ardens præ glacie, præq; calore gelans.
Muta chelys, tristis Phæbus, citharæq; repertor
Arcas, & Artipolis Mauritiana dolet:
Atq; Machaoniæ flaccescit gloria pubis,
Intrat & impexas dilaniata comas,
E lauro meliore comis textura corollam,
Heic ubi mansisses, Arioviste, tuis.
Et veluti ferrum magnes, sic me tua virtus,
Flos juvenum atq; virum nobilis! una trahit.
Una trahit virtus, ac una scientia veræ
Pæoniæ, pestes quæ fugat una feras.
Grande licet parvæ morulæ parvissima robur
Specula det, vires detq; silentiolum.
Aggemite; aggemite osylvæ; vos surgite montes
Altius; adscendam celsius ipse miser.
Celsius adscendam, & ceu suspiratibus auctis,
Cælicolæ ærumnas ex onerabo meas:

Quas

Quas ego : sed fatis præstat conjungere vota,
Ut spiret velis aura secunda tuis.
Lenibus adspiret flabris innubilus aër,
Blanda serenati surgat & aura poli.
Ne si nubiferos effuderit Aeolus Austros,
Ex pluviis gravidam prægravet unda ratem.
Flabra trium cessent Euri, Boreæq; Notiq;
Tu zephyre ô flatu dirige vela levi.
Ut felix videat Burggravius ora Britannum,
Hisq; probet genium Teutona terra tuum.
Pluria non faciam nunc verba : precantia sint hæc:
Oro nihil lævi Fors odiola ferat.

PRAESTANTISSIMO DOMINO JOH.
Ernesto Burgravio, in Angliam abi-
turienti.

Ergò jam Cæcis, sine me, discedis ab oris,
Burgravi, nostræ stamen amicitiae?
*I pede felici, quò te vocat ille, supremum
Cui jus est, nostri sed tamen esto memor.
Quàm procul à nostro discedunt corpora sensu;
Tam propè conjungant sese animis animi.
Te, mihi crede, quod est res dico, semper amavi:
Nec, quia discedis, temet amare nego.
Dico ego, temet amo: & remeant dum sidera, amabo:
Tu simili affectu si redamas, satis est.*

Elias Hofman Bolesla-Siles.

facieb. Marp. 7. Id Jun. 1607.

EXIMIO MEDICINÆ CANDIDATO Dn.
Johanni Ernesto Burgravio Marpurgo discessuro ami-
citiæ & benevolentia ergò gra-
tulatur.

Una

V Na salus Medico docta experientia rerum,
Qua sine non Medicus, sed veterator erit.
Non etenim rebus mixtæ res omnibus omnes,
Olim quod stultè sensit Anaxagoras:
Una nec est rerum facies; discernere docti est,
Quo sapiens statuatur pondere quæq; Deus.
Naturæ faciem non unam quære, nec uno
Empirice exopta conditus esse loco.
Perrepta valles, est vis quædam indita valli,
Poplite nec fracto visere summa nega.
Quæ natura tegit Medicorum oracula tradunt,
Hæc pete; jam Medicus non veterator eris.
Hæc alto tecum volvebas pectore sancti
O Asclepiadum spesq; decusq; chori.
Et Musæ dicto citius responsa tulerunt,
Invida non curis non studijsq; tuis:
Vade age Cattorum jam mænia nota relinque,
Ante hæc non oculis quæ loca visa subi.
Est & in his aliquid quod te meminisse iuvabit,
Olim si medica polleat arte manus.
Vade age, nos comites cogemus cedere voto
Multa negata alijs, multa petita tibi.
Hæc Musæ: tu jussa paras exsolvere, præstans
O animi iuvenis, jamq; iter ingrederis.
Siste pedem quæso, da dextræ iungere dextram
Hoc tolle à nobis pignus amicitiaë,
Pignus amicitiaë sacrum est, endextra fidesq;
Musæ odère moras, dulcis amice vale.

*Iohannes Combachius
Veteranus.*

1160-

HUMANISSIMUM ET DOCTISSIMUM
 juvenem-virum Dn. Joannem Ernestum Burggravium
 Utriusque Medicinæ studiosum amicum suum sin-
 gularem in Angliam abituri-
 entem.

Ergone tempus adest, quo te fortuna iubebit
 Burggravi patrij linquere rura soli?
 Est ita, mens humilis laribus defixa paternis
 Nulla per externas sustinet ire plagas,
 Mens caelestis humo se tollere tentat & Astra
 Perpetuâ gaudet mobilitate sequi:
 Mentem non caelum solum mutabis ad Anglos
 Dum quod eras cedis non fuerasq; redis.
 Nam sat agis studia ac hominum cognoscere mores,
 Atq; peregrino dulciter ore loqui,
 Haëtenus Hippocratis sinuosa volumina vidi
 Atq; Theophrasti te coluisse scholas.
 Iamq; peregrinas Populorum tendis ad Oras,
 Vt mentis redeas auctior inde bonis.
 Et tecum redeat prudentia practica rerum,
 Qua sine nil studio laudis inesse solet.
 Nobile pergis iter fama, quò te quoq; possis
 Tollere humo & nomen ferre sub astra tuum.
 Vade bonis avibus, sic post sexcenta viarum
 Tædia doctrinae premia digna feras.

M. Carolus Sachsius.

FINIS.

Biogr. erud. D 1553, 32^d

SLUB DRESDEN



3 3747346

